

**Arkiv:** FE-005  
**JournalpostID:** 19/40  
**Saksbehandlar:** Ørjan Raknes  
Forthun  
**Dato:** 25.03.2019

## Saksframlegg

Saknr.	Utvalg	Møtedato
015/19	Fellesnemnda Alver	01.04.2019

### Ordførarkjede for Alver kommune

#### Vedlegg i saken:

25.03.2019	Ordførarkjede Alver av Hilde Rønning Rongevær	1325415
25.03.2019	ordførarkjede	1325416

#### Prosjektgruppa sitt framlegg til vedtak:

Fellesnemnda vedtar prosjektgruppa sitt framlegg til ordførarkjede for Alver kommune.

#### Saksopplysningar:

Saka skal til endeleg avgjerd i fellesnemnda

#### Bakgrunn

«Identitet, symbol og felles kultur» er eit politisk hovudprosjekt i programperioden til Alver kommune. Utarbeiding av nytt ordførarkjede for Alver kommune er eitt av resultatmåla til prosjektet, som også har leia prosessen med kommunevåpen for Alver kommune.

Mandatet til prosjektet vart godkjent av fellesnemnda 4. desember 2017 og byggjer på føringar frå både intensjonsavtalen og styringsdokumentet.

#### Prosjektgruppa består av fem medlemmer frå fellesnemnda:

Nils Marton Aadland, prosjektleiar  
Nina Stabell Øvreås  
Kirsti Gjetle Floen  
Asle Hetlebakke  
Sølvi Knudsen

Prosjektgruppa har drøfta prinsipp for utforming av ordførarkjede for Alver, mellom anna med utgangspunkt i dagens ordførarkjede i Lindås, Meland og Radøy. Det vert lagt vekt på at ordførarkjedet skal vera i sølv, vera stilreint og utan andre fargar enn sølv og blått (som i kommunevåpenet).

Prosjektgruppa vil ha med kommunevåpena til dagens tre kommunar i det nye ordførarkjedet for Alver – for å få fram lokal identitet, historie og kultur. Men utover dette har prosjektgruppa lagt til grunn at det ikkje skal vera fleire motiv i kjedet.

Oppdraget med utforming og produksjon av ordførarkjede til Alver kommune har vore ute på anbod. Prosjektgruppa la vekt på å få ein lokal kunstnar til å utforma og produsera ordførarkjedet. Det vart difor sendt ut anbod til tre gullsmed-verksemder innanfor Alver kommune sine grenser. Det kom inn eitt tilbod, frå gullsmedmeister Hilde R. Rongevær i Meland.

Prosjektgruppa bestemte seg for å gå vidare med tilbodet frå Hilde R. Rongevær. I anbudsutlysinga vart det tatt atterhald om at prosjektgruppa kunne be om justering på forslag til ordførarkjede.

Prosjektgruppa har hatt ein god dialog med gullsmeden om den endelege utforminga av ordførarkjedet. Hilde R. Rongevær har vore til stades på tre møte i prosjektgruppa.

Prosjektgruppa har konkludert med at ordførarkjedet blir laga i blankt/kvitt og oksydert sølv, med blå emalje i botnen på kommunevåpnet i fronten. Utover dette skal det ikkje vera andre fargar.

Ordførarkjedet vil få 28 handlaga delar, lenka saman med solide ringar.

Dei runde ledda har ei flat botnplate med litt opphøgd ramme/kant. Dei blir lagd av blankt/kvitt sølv, men er lett oksydert inn mot kantane. Bokstavane blir gravert og freste inn.

Frontskjoldet skal ha størrelse på 8 cm, dei andre delane ca 4 cm. I frontpartiet skal det vera eit skilt med ALVER i store bokstavar, og dei tre kommunevåpna i dagens kommunar – med litt opphøgd motiv – men utan farge. Mellom desse tre kommunevåpna er det sølvdelar med bølgemønster. Bak på kjedet skal det vera ei plate med "ALVER 2020" med store bokstavar. Det blir tatt omsyn til at ordførarkjedet kan regulerast i størrelse, slik at det skal ligga bra på ryggen/nakken til den som ber kjedet.

Ordførarkjedet for Alver kommune skal for første gong takast i bruk av nyvalt ordførar under det konstituerande kommunestyremøtet i Alver i midten av oktober.

#### **Fellesnemnda Alver 01.04.2019:**

##### **Behandling:**

Prosjektgruppa sitt framlegg vart samrøystes vedteke.

##### **FA- 015/19 Vedtak:**

Fellesnemnda vedtar prosjektgruppa sitt framlegg til ordførarkjede for Alver kommune.

